



KENYATAAN PELAWAAN PROGRAM PENILAIAN BAHAN BACAAN TAMBAHAN 2026

1. Tawaran adalah dipelawa **kepada penerbit/pembekal tunggal (sole distributor)** tempatan yang berwibawa dan berkeupayaan serta berdaftar dengan Kementerian Kewangan di bawah kod bidang 010102 (Bahan Bacaan) yang masih berkuatkuasa sekurang-kurangnya tiga (3) bulan dari tarikh tutup tawaran.
2. Bahan bacaan meliputi bahan-bahan bercetak sama ada fiksi dan bukan fiksi dalam Bahasa Melayu atau Bahasa Inggeris sahaja. Bahan-bahan yang mengandungi elemen-elemen yang menyokong kemahiran mentafsir, penyelesaian masalah, dan kemahiran berfikir aras tinggi adalah digalakkan.
3. Keutamaan akan diberikan kepada bahan-bahan bacaan seperti berikut:
 - a. Bahan bacaan bagi kategori prasekolah, sekolah rendah, sekolah menengah dan umum.
 - b. Bahan bacaan yang dapat meningkatkan profisiensi Bahasa Melayu dan Bahasa Inggeris.
 - c. Bahan bacaan yang dapat menarik minat membaca dalam kalangan murid.
 - d. Bahan bacaan berkaitan Science, Technology, Engineering and Mathematics (STEM).
 - e. Bahan bacaan berkaitan Technical and Vocational Education and Training (TVET).
4. Buku teks, buku lembaran kerja, buku ulang kaji, bimbingan peperiksaan dan seumpamanya **TIDAK TERMASUK DALAM PROGRAM INI.**
5. Kehadiran dan penyertaan pihak penerbit/pembekal tunggal (sole distributor) yang berminat semasa taklimat adalah **WAJIB** dan taklimat tersebut akan diadakan pada ketetapan berikut:

Tarikh : 02 Disember 2025 (Selasa)

Masa : 10.00 pagi

**Tempat : Auditorium,
Bahagian Sumber dan Teknologi Pendidikan,
Persiaran Bukit Kiara, 50604 Kuala Lumpur**

QR Lokasi :



SYARAT-SYARAT PENYERTAAN

Semua penerbit/pembekal tunggal (sole distributor) yang berminat untuk menyertai tawaran ini mesti mematuhi syarat-syarat yang ditetapkan. Kegagalan mematuhi mana-mana syarat yang berikut boleh menyebabkan bahan bacaan yang dikemukakan tidak akan dinilai.

1. Berdaftar dengan Kementerian Kewangan di bawah kod bidang 010102 (Bahan Bacaan) dan mengemukakan satu salinan Sijil Pendaftaran Kementerian Kewangan Malaysia dan Sijil Pendaftaran Syarikat/Perniagaan.
2. Bahan bacaan yang diterima untuk penilaian adalah bahan yang diterbitkan dalam negara atau luar negara bermula dari **tahun 2024, 2025 dan 2026. Bahan yang telah dihantar untuk penilaian sebelum ini adalah tidak dibenarkan untuk penghantaran semula.**
3. **Syarikat pembekal tunggal (sole distributor)** hendaklah mengemukakan surat kebenaran daripada penerbit asal agar bahan bacaan tersebut dapat dinilai.
4. Syarikat penerbit/pembekal tunggal (sole distributor) hendaklah mengemukakan **dua (2)** naskhah bagi setiap judul bahan bacaan untuk dinilai.
5. Jumlah penghantaran judul/naskhah bahan bacaan oleh setiap penerbit/pembekal tunggal (sole distributor) adalah tidak terhad. Bahan bacaan boleh terdiri daripada **bahan bukan bersiri atau bersiri.**
6. Syarikat penerbit/pembekal tunggal (sole distributor) hendaklah menyerahkan semua bahan bacaan di **Pusat Sumber, Aras 2, Bahagian Sumber dan Teknologi Pendidikan, Persiaran Bukit Kiara, 50604 Kuala Lumpur** mengikut tarikh yang ditetapkan seperti yang berikut:

TARIKH/HARI	MASA
16 hingga 31 Disember 2025 (Isnin hingga Khamis)	9.00 pagi - 3.00 petang
16 hingga 31 Disember 2025 (Jumaat)	9.00 pagi - 11.00 pagi

7. Semua bahan bacaan perlu diasingkan dan diikat mengikut 7 kategori berikut:
 - i. Bahasa Melayu sekolah rendah
 - ii. Bahasa Melayu sekolah menengah
 - iii. Bahasa Inggeris sekolah rendah
 - iv. Bahasa Inggeris sekolah menengah
 - v. STEM
 - vi. TVET
 - vii. Agama
8. Bahan bacaan yang diserahkan akan menjadi hak milik Kementerian Pendidikan dan tidak akan dikembalikan.

9. Kementerian Pendidikan tidak terikat dengan perolehan dan pembekalan ke atas bahan bacaan mana-mana pihak penerbit/pembekal tunggal (*sole distributor*) walaupun telah dinilai dan diperakukan sebagai bacaan yang telah lulus penilaian.
10. Kadar caj penilaian yang dikenakan adalah seperti yang berikut :

Bil	Harga bahan bacaan	Caj penilaian
1	Tidak melebihi RM20.00	RM50.00
2	Melebihi RM20.00 – RM40.00	RM70.00
3	Melebihi RM40.00 – RM60.00	RM90.00
4	Melebihi RM60.00 – RM80.00	RM110.00
5	Melebihi RM80.00 – RM100.00	RM130.00
6	Melebihi RM100.00	RM150.00

11. Semua Pembayaran hendaklah dibuat dalam bentuk **Bank Draf sahaja atas nama Ketua Akauntan, Kementerian Pendidikan Malaysia di Kaunter Pembayaran, Unit Kewangan dan Akaun, Bahagian Sumber dan Teknologi Pendidikan, Persiaran Bukit Kiara, 50604 Kuala Lumpur.** Masa pembayaran ialah pada **jam 9.00 pagi - 12.00 tengah hari, Isnin hingga Jumaat.**